



"The Entrepreneurial University"

Portal Rasmi
UNIVERSITI MALAYSIA KELANTAN

Bahasa Melayu English Lain-lain | ●●●

Carian...

Staf
Email Staf
Portal Staf

[Utama](#)

[Info UMK](#)

[Pra-Siswazah](#)

[Pascasiswazah](#)

[Fakulti /Pusat](#)

[Fakulti Keusahwanan & Perniagaan](#)

[Fakulti Teknologi Kreatif & Warisan](#)

[Fakulti Perubatan Veterinar](#)

[Fakulti Industri Asas Tani](#)

[Fakulti Sains Bumi](#)

[Pusat Bahasa dan Pembangunan Insaniah](#)

[Pusat Pengajian Siswazah](#)

[Kampus](#)

[Utama](#) ▶ [Berita Terkini](#) ▶ Pusat Penyelidikan & Inovasi Keusahwanan (GERIC-UMK) Terima Dana RM1juta

Pusat Penyelidikan & Inovasi Keusahwanan (GERIC-UMK) Terima Dana RM1juta



KOTA BHARU 19 Julai – Universiti Malaysia Kelantan (UMK) menerima peruntukan berjumlah RM1 juta daripada Kementerian Pengajian Tinggi bagi memperkasa Pusat Penyelidikan dan Inovasi Keusahwanan atau Global Entrepreneurship Research and Innovation Center (GERIC) yang berpaksikan kepada aktiviti penyelidikan, pembangunan, pengkomersialan hasil inovasi serta pemindahan teknologi untuk kesejahteraan masyarakat.

Menteri Pengajian Tinggi, YB. Dato' Seri Mohamed Khaled bin Nordin berkata, peruntukan itu bertujuan bagi mendokong penubuhan GERIC yang akan menjadi platform dan pemangkin kepada imej UMK sebagai peneraju dalam bidang keusahwanan di peringkat pengajian tinggi negara.

Beliau berkata, GERIC juga akan berperanan sebagai pusat kecemerlangan penyelidikan bertaraf HICoE (teras perkhidmatan) dan menjadi pusat pembangunan keusahwanan dan inovasi untuk Universiti serta negara melalui pendidikan, penyelidikan dan pemindahan teknologi.

"Kementerian akan terus memberi sokongan kepada UMK dalam melaksanakan agenda keusahwanannya melalui GERIC dan bersedia menyokong penubuhannya dengan dana permulaan kepada pusat kecemerlangan ini menjalankan aktiviti serta program yang telah dirancang," katanya pada majlis Pelancaran Agenda Keusahwanan UMK Bersama Industri di sebuah hotel, di sini, hari ini.

Hadir sama, Pengerusi Lembaga Pengarah UMK, YBhg. Tan Sri Dato' Hamad Kama Piah bin Che Othman, Naib Canselor UMK, YBhg. Prof. Dr. Raduan bin Hj. Che Rose dan Ketua Pengarah Jabatan Pengajian Tinggi, YBhg. Dato' Prof. Dr. Rujhan bin Mustafa.

Menurut Dato' Seri Mohamed Khaled, UMK perlu komited dan berusaha dengan mengintai peluang menjalankan kerjasama dengan pemain industri termasuklah institusi pendidikan luar negara dan tempatan.

"Dalam usaha kita mencapai agenda pendidikan keusahawanan, IPT juga perlu memperluaskan jaringan dengan industri serta institusi serantau sama ada pada peringkat lokal atau pun antarabangsa. Usaha ini memerlukan IPT mencari rakan strategik yang sesuai dengan bidang tujuhan masing-masing," ujarnya.

Sehubungan itu, Dato' Seri Mohamed Khaled, berharap melalui penubuhan GERIC, UMK mampu menjadi peneraju dalam bidang pendidikan keusahawanan dan boleh menjadi contoh kepada IPTA yang lain.

"GERIC akan dapat dinaik taraf kepada pusat kecemerlangan tinggi (HiCOE) dalam masa yang singkat berdasarkan program yang telah dirancang dengan begitu rapi dan teliti yang berpaksikan kepada aktiviti penyelidikan, pembangunan, pengkomersialan hasil inovasi serta pemindahan teknologi untuk kesejahteraan masyarakat," jelasnya.

Sementara itu, Dato' Seri Mohamed Khaled, mengumumkan pelaksanaan Pelan Tindakan Keusahawanan, Institusi Pengajian Tinggi (IPT) yang akan menggariskan strategi-strategi bagi memastikan matlamat Dasar Pembangunan Keusahawanan IPT dapat dicapai.

Katanya, matlamat Dasar Pembangunan Keusahawanan IPT antara lain untuk menyediakan negara dengan modal insan mempunyai ciri-ciri usahawan yang berketerampilan.

Mohamed Khaled berkata keusahawanan yang boleh dibangunkan melalui pendidikan bukan sahaja menjanjikan pendapatan yang lumayan kepada usahawan tetapi mereka dapat mewujudkan peluang pekerjaan.

Sehubungan itu, dalam menjayakan hubungan dan kerjasama dalam konteks keusahawanan dengan pihak industri, turut diadakan penyerahan 18 memorandum persefahaman (MOU) yang telah ditandatangani antara UMK dengan beberapa pihak luar termasuk universiti dari luar negara.



Antara pihak industri terlibat ialah Amanah Ikhtiar Malaysia (AIM), Malaysian Technology Development Corporation (MTDC), Australian Institute of Management (AIM WA), Syarikat Perumahan Negara Berhad (SPNB), Leong Hup Holdings Berhad, University of Vienna, Prince of Songkla University, University of Ljubljana dan Technology Park Malaysia College Sdn Bhd.

Selain itu, Kolej RISDA SDN BHD, Majlis Amanah Rakyat MARA, Tunjang Resources, Federal Agriculture Marketing Authority (FAMA), Malaysian Association of Learning & Development (MyLeaD), Persatuan Profesional Pekerja Filem Malaysia (PROFIMA), Persatuan Sutradara Malaysia (FDAM), Persatuan Industri Fesyen Malaysia (MFIA) dan Persatuan Pereka Perindustrian Malaysia (PEREKA).

Pada majlis itu, Dato' Seri Mohamed Khaled, turut menyerahkan Sijil Tahniah dan Penghargaan kepada pelajar UMK yang berjaya ditawarkan pembiayaan MyMaster dan MyPhD serta Majlis Penyampaian Watikah Perlantikan Duta Universiti Pusat Transformasi Luar Bandar Kelantan.



Bilangan Pelawat :
297687

[Penafian](#)
|
[Dasar Privasi](#)
|
[Dasar Keselamatan](#)
|
[Soalan Lazim](#)
|
[Hubungi Kami](#)
|
[Bantuan](#)
|
[Peta Laman](#)

Hakcipta © 2012 Portal Rasmi Universiti Malaysia Kelantan.
Paparan Terbaik Mozilla/Firefox/IE/Safari/Camino/Opera Friendly
Universiti Malaysia Kelantan, Karung Berkunci 36, 16100 Pengkalan Chepa, Kota Bharu, Kelantan
Tel : +609 - 7717000
Fax : +609 - 7717022
Email : webmaster@umk.edu.my
Tarikh Kemaskini: 05/11/2012, 00:33:29.